

Te Heheuraa Api

E ITE IÄ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

No 5

-- ME 1950 --

MAT. 37.

E PARAU NA TE PERESITENI NO TE EKALESIA

O BIRIGAMA YOUNE - E TAATA TUIROO

E tau mau taeae e tau mau tuahine, e to'u mau taata tupu no Veramona. No Veramona atoa hoi to'u mau tupuna e na mauruuru roa vau i te haere faahouraa mai i roto i te reira tufaa fenua no reira mai te tane, e te vahine, roo maitai e rave rahi. Tei roto i to'u nei rima te tapura no te mau taata, tei hau atu i te hanere, e tane ra te rahiraa, tei faarue i teie nei tufaa fenua no te haere atu i te tooa o te râ, i roto i te medebara, no te faatiaraa i to ratou mau fare. E te hopea no te reira ua fanauhia vau i roto i te tufaa fenua o Utaha.

Ua rahi roa te mau parau i parauhia no BIRIGAMA YOUNE, e te vai-rahi-noa nei â te mau parau te au ia parauhia no'ua ra, e te parau atu nei au ia outou, te mau melo no te Ekalesia a Iesu Mesia no te Feia Mo'a no te Mau Mahana Hopea. Nei tei tae mai i onei, ia ore noa'tu outou ia tai'o i te parau tuatapapa o BIRIGAMA YOUNE ua ere ia outou i te iteraa i te tahi mau parau faufaa rahi no to'na oraraa.

Ua faahiti-atoa-hia te parau e, ua fanauhia o IOSEPHA SEMITA i te tufaa fenua Veramona. Ua haere mai te pūpū taata tei parauhia e Quakers i pihaiho i Topsfield, tufaa fenua no Massachusetts, te vahi i parahihia e te mau tupuna o te Peropheta. I te reira mau mahana ua riro te poihereraa i te mau Quakers ei ofatiraa i te ture. Haere maira e piti o taua mau taata i te fare o Samuela SEMITA ma te parau ia'na, *Aita ia matou maa e noaa nei e aita hoi to matou e puhaparaa. A faaite mai na oe i te mau mea te tia ia matou ia rave?*

Parau atura o Samuela SEMITA ia tomo i roto i to'na fare. Horoa'tura oia i te hoê vahi taоторaa no raua e ia poipoi a'era faaamu atura e tuu atura ia raua ia haere i to raua haereraa ra. I to to'na mau taata tupu iteraa i te ohipa ta'na i rave ra ua tapeahia oia e ua afaihia oia i te fare haavâraa e ua faautu'ahia oia ia aufau i te tahi utu'a moni e ua tuu-atoahia oia i te fare tapearaa no te poihereraa i te Quakers. E tupuna taua taata ra no Iosepha SEMITA.

E teie te ohipa tei tupu i to Samuela SEMITA tuuraahia i rapae i te fare tapearaa, ua ani oia i to'na mau taata tupu ia haaputuputu mai e ua parau oia ia ratou, *Te hinaaro nei au i hoo atu i to'u nei fenua.*

Ui maira ratou ia'na, *Eaha ta oe e parau nei? E fenua maitai roa to oe, eaha hoi oe e hoo atu ai i te reira?*

Pahono atura oia, *Te laere ê atu nei au no te mea eita e tia ia'u ia parahi i rotopu i te hoê amuiraa taata te tuu atu i te hoê o te mau tamarii a te Atua, i roto i te fare tapearaa no te mea ua tauturu atu oia i te tahi atu o ta'na mau tamarii i roohia i te ati. Te vaiiho nei au ia outou.*

Taparu atura ratou ia'na ma te parau atu ia'na, ua ite oia e, eaha te utu'a hou oia a farii ai i te Quaker.

Parau atura oia, *Oia mau, ua ite au e ua taa ia'u e au i ihoa vau i te hoê utu'a moni, area râ aita roa'tu vau i mana'o*

e faatia to'u mau taata tupu ia tuuhia vau i roto i te fare ta-
peuraa. Hoo atura oia i to'na fenua e haere atura i te tufaa
fenua o Veramona e i te hopea fanauhia'tura, i reira, te Pe-
rorheta ra o Iosepha SEMITA e ua amuihia'tura to'na i'oa i te
i'oa o te mau feia tuiroo no teie tufaa fenua o Veramona.

Ua ite mau vau ia Birigama YOUNE, e te mana'o nei au e,
ia faatia'tu vau i to'u farereiraa matamua ia'na ra, e au pa-
ha outou i te reira. E tamarii iti au i reira, e pae noa iho to'u
matahiti i reira. Te vai ra to'u aahu ereere e te uouo ra to'u
rouu mai i teie nei, tera ra e mea rouu roa ia i te reira mau
mahana. I te hoê mahana ua ani mai to'u mama ia haere i
te fare e faaoomo atura oia ia'u i to'u aahu ereere apî roa ra
e tuu atura i te hoê rata i roto i to'u pute. Te ite noa nei â
vau i te reira na roto i te mata o to'u varua ra. Parau maira
oia ia'u ia haere i te piha ohiparaa a Birigama YOUNE e ani
ia farerei ia'na no te horoa'tu i te rata ia'na, eiaha ra i te ta-
hi taata ê atu.

Haere atura vau i to'na ra fare. I te reira taime te parahi
ra oia i roto i te hoê fare te parauhia paha, i teie tau, e pâ.
E mea huru peapea te Initia i te reira tau no reira ua faaati-
hia to'na vahi i te hoê aua teitei mai teie nei menema.

E mea huru roa hoi te vahi ta'u i haere, mai to'u atu fare
i to Birigama YOUNE. Ua faaite mai to'u Mama e mea nahea
te haereraa i reira. I to'u taeraa'tu i te uputa aua ra ite atu-
ra vau i te reira i te mahiti noaraa. E uputa rahi te reira e te
paari maitai hoi. No to'na teiaha e mea huru fifi ia turai atu
e ia tamauhia te reira, na roto mai, i te mau raau rarahi eita
roa oia e mahiti ia iritihia na rapaeau mai. A hi'o ai au na
roto i taua upata ra haere maira te hoê taata rahi, o Tihoni
Semita to'na i'oa, ia'u ma te ani mai, *Eaha ta oe hinaaro*
nei. Ua ri'ari'a roa vau i reira. Parau atura vau te hinaaro
nei au ia farerei ia Birigama YOUNE e ua pahono mai oia, ai-

ta to'na e taime no te farerei i te taata mai ia oe na. No te puai o to'na ra reo ua fatata roa vau i te mata pouri hia. Area ra ua hi'o noa vau i te uputa o te piha raveraa ohipa e ite atura vau i te hoê taata rahi, tei fatata i te ono avae i te tei-tei, ma te huruhuru taa e te rouru hinahina, i te tiaraa i te pae uputa e tei ani mai i te taata tia i e, *Eaha tei hinaarohia e Tihoni?*

Pahono atura o Tihoni, *Teie te hoê taata nainai o tei hinaaro i te farerei ia Birigama Youne* e i te reira taime pahono atura ta'na ata. Ua mana'o oia e e ohipa arearea mau ta'na i rave. Area ra, ma te tura rahi na ô atura Birigama Youne ia'na, *E Tihoni e, a tuu ia'na ia haere mai.*

Aita'tura e ohipa toe a te taata tia i maori râ ia tuu ia'u ia haere i roto e ia aratai ia'u i nia i te taupee fare tei reira o Birigama Youne iho i te tiaraa.

Rave ihora o Birigama i to'u rima, aratai atura oia ia'u i roto i ta'na piha raveraa ohipa, parahi atura i nia i to'na parahiraa, tuu atura ia'u i nia i to'na turi avae e tauhei maira ia'u. Ma te reo marû roa parau maira oia, *Eaha ta oe e hinaaro nei ia Birigama Youne?*

A haamana'o na i te reira! O oia ia te Peresideni no te hokū Ekalesia rahi e te Tavana hoi no te hoê tufaa fenua rahi, e noa'tu i te rahiraa o ta'na mau ohipa ua farii oia ia'u, te hokū tamarii iti, ma te tura rahi, e te here, mai te huru ra ua haere mai au ei Tavana no te tahi atu tufaa fenua.

Fafa atura vau i to'u pute, rave maira i te rata e parau atura vau, *Ua faaue mai to'u Mama ia horoa'tu i teie ia oe na.*

I taua tau ra tei te ara ia to'u metua tane i te poro-haere raa i te Evanelia no reira to'u Metua vahine i faatae atu i te aniraa ia BIRIGAMA, e Peresideni atoa hoi oia no te Sotia te pereoo auahi, ia faatiahia oia, e to'na ra utuafare, ia haere e farerei i to'na Metua tane tei parahi i Ogden. Faane

tura o BIRIGAMA i te hoê o ta'na mau papai parau ia faaoti i te reira mau parau e ia oti ia horoa mai te reira ia'na ia papai oia i to'na i'oa i raro a'e i te reira, e i te otiraa te reira i te haaapaohia e ana tuu atura oia i te reira i roto i taua vehi rata tahito e oomo atura i te reira i roto i to'u pute aahu.

I te taime a tia i ai maua no taua parau faatia ra ua parau mai oia ia'u e mea tia ia riro vau ei tamarii maitai no te mea e nau taata maitai roa to oe Metua tane e to oe Metua vahine. Aratai atura oia ia'u i te uputa ra e a haere atu ai au ua ô maira oia, *Ia tae atu oe i te fare a parau atu i to oe Metua vahine te tiaturi nei au e, e oaoa maitai oia, e to'na ra mau fetii, i Ogden.*

Haere atura vau i te fare, horoa'tura vau i te parau faatia i to'u Metua vahine e haere atura matou i Ogden e farerei i te tahi taata no te tufaa fenua Veramona, oia hoi, to'u Papa ruau. O oia te Tavana oire matamua no Ogden e ua rave rave rahi te mau raveraa ohipa ta'na i faatupu i reira. E taata mau oia no Veramona.

Te maere nei anei outou, i teie nei, i te mea te oaoa nei au i teie nei mahana tomoraa no teie menema tei faatiahia i te vahi i fanauhia'i oia ra. Te oaoa nei au i te parahiraa i roto-pu ia outou i teie nei mahana nehenehe maitai, e a hi'o ai au i teie nei menema te maere nei au eaha ra ta'na e parau ahiri o Birigama YOUNG i onei. Noa'tu te vai ra to'na mau menema e rave rahi i te tahi atu mau vahi, ia vai mau ra teie i to'na vahi fanauraa.

I te tahi tau i mairi a'enei ua papai te hoê taata i te hoê buka tei parauhia te *Punaraa o te Rahirau*, oia hoi, i reira i faaitahia'i te vahi fanauraa o te mau taata, te tane e te vahine, tei noaa te roo maitai i teie nei fenua. Ua ani au ia'na ia neneihia te reira i roto i ta matou ve'a e ua faatia oia, e i mairi a'e i te hi'opoa-maitairaa-hia e ana ra ua neneihia te

reira. Ua ite anei outou eaha ta te reira i faaite mai? Ua rahi a'e na nia i te rahiraa taata, te taata ite rarahi e te paari tei fanauhia i Utaha i te tahi atu mau tufaa fenua, e te tahi pae o ratou ra no Veramona mai to ratou mau tupuna, e e maere outou i te rahiraa o te taata, i taua vahi ra, no Veramona mai to ratou mau tupuna. Ua tia ia outou, e to Veramona, ia ite i tei ravehia e outou! Ua faatupu outou i te hoê pūpū taata tei ore roa i mauruuru i te mau mea rii o te oaraa nei. I to outou tei ore â i tae i reira te parau atu nei au, *A haere mai —te mahiti noa ra te uputa i te mau tamarii atoa o te Atua te hinaaro i te farerei ia matou*, e ia haere noa mai outou ma te parau mai ia matou no Veramona mai outou e ite ia outou, i reira, e hau a'e te mahanahana o to outou fariiraa.

Te oaoa nei au i to'u tiaraa i onei e ua mauruuru roa vau i te amuiraa mai i te mau fetii o BIRIGAMA YOUNE no te mea ua titauhia vau ia amui mai ia outou no te tomoraa o teie nei menema. Mai te mea e tia ia outou ia tia mai i nia e amui ia tatou i te faaiteraa i te Fatu ua mauruuru tatou no te tahi atu â haamaitairaa.

Tihoti Arapera Semita.

EDITORIAL

TE TAVIRI O TE HAU.

E Rave ê atu te Evanelia a Iesu Mesia i te mata'u. Ua fafau mai te Fatu, ia ratou te hinaaro i te farii i ta'na evanelia e i te tavini ia'na, e noaa ia ratou te hau—eiaha ra mai ta te ao nei, mai ta'na ana'e iho ra e horoa mai.

Te vai noa nei te reira na te taata ta taihoê ra e na te manunaa atoa hoi. E ia tae mai te tau peapea e tia i te vetahi mau taata ia ite i te hau te tahiti na nia a'e i te mau haro-

ro'araa o te noaa mai no ô mai ana'e i te Atua ra mai te mea e hinaaro ratou ia haapao i te mau ture no te hau.

I te hoê taime, i roto i te hoê aparauraa no nia i te reira, ua na ô mai te Peresideni ra o JOSEPHA F. SEMITA:

Te faaroohia nei te parau e, e ora tatou i te mau tau peapea. Tei roto mau tatou i te tau peapea e aita hoi au e ite nei i te mata'u. Aita roa te reira i nia iho ia'u. Te opua nei au ia ora i te hoê oraraa te ore e faatae mai i te reira i nia iho ia'u. Ua opua vau ia na reira ia ore au ia roohia i te mau peapea o te ao nei, mai te mea e tia ia'u ia na reira, na roto i te haapaoraa i te mau faaueraa a te Atua e ta'na mau ture tei heheuhia mai no te aratai ia'u. Noa'tu i te mau mea te tae mai i nia ia'u, mai te mea te haapao noa ra vau i ta'u ohipa, mai te mea te vai noa ra to'u autaeaeraa e te Atua, mai te mea te vai maitai noa ra to'u autaeaeraa e to'u mau taeae, mai te mea e tia ia'u ia tia, ma te porao ore, i mua i te aro o te ao nei, ma te tafetafeta ore e ma te ore e ofati i te mau ture o te Atua, eaha ia te peapea, ia'u iho nei, no te mau mea te tupu i nia iho ia'u nei? Te vai ineine noa nei au. Mai te mea o te reira mau to'u huru, i te pae o te feruriraa e te ohipa, aita roa ia e peepea. No reira aita roa vau e imi nei i te peapea e aita roa hoi au e ite nei i te mata'u.

E a aparau ai oia, no nia i te hau, i roto i te hoê amuiraa politita ua na ô mai tana aratai o te Ekalesia:

Hoê noa iho mea e vai nei o te faatae mai i te hau i nia i te fenua nei. O te fariiraahia o te Evanelia a Iesu Mesia, ma te taa maitai, e te haapao-maitai-raahia na te mau feia faatere hau e te hniraatira atoa hoi. Te porohia nei te reira, ma te mana rahi, i te mau nunaa, te mau opu, te mau reo o te ao nei, e te mau Feia Mo'a no te Mau Mahana Hopea Nei, e ua fatata te mahana e tae atu ai te reira poroiraa no te ora i roto roa i te mafatu o te taata rii o te faaite mai, ma te parau mau e te hinaaro mau, ia tae i te taime tano maitai, i mua i te aro o te hoê auraa Cherisetiano haavare, to ratou faariroraa i te tama'i, e te feia faatupu tama'i, ei hara rahi i nia i te nunaa taata nei.

Ua parauhia, no na matabiti e rave rahi, e tae mai te hau na roto i te

faaineineraa no te tama'i; area ra na teie tama'i i faaite mai e, e tae mai te hau na roto ana'e i te faaineineraa no te hau, na roto i te haapiiraa i te taata i te parau-tia e i te maitiraa i te mau taata faatere te faatura i te hinaaro parau-tia o te hui raatira.

Eita paha e maoro e haapaohia te parau a te huiraatira e e vai mana te evanelia o te hau i roto i te mafatu o tei rahi ra. Eita ia e tia i te mau taata hinaaro tama'i ia mana i nia i te ora e te pohe o te mau taata e rave rahi te milioni ra, mai ta ratou e mau nei i teie nei, ia haamou hoi i te ohia hoora taot'a e te imiraa faufaa e ia faatupu hoi i te manuii varua e te manati i nia te nunaa taata mai te mai pee i nia i te mau nunaa ra.

E au ra e, ia hi'o noahia'tu, i muri a'e i te mau ino o te mau tama'i, mai tei parauhia mai i roto i te mau papairaa mo'a (e na vai hoi e parau mai eita te reira e tupu i muri a'e i teie tama'i) e vaiho tei faa hua arii ia ratou iho i to ratou tiaraa no te mau taata faatere tei maitihia e te huiraatira o te arataihia i te mau haapiiraa o te here e te hau mai tei haapiihia e te evanelia a to tatou Fatu. E i reira e faatupuhia'i te faatereraa apî, e i roto i te reira e tuuhia'i te maitai o te taata i mua a'e i te mau mea atoa ia tia ia'na ia ora ma te tiamâ e te oaoa mau.

E tia i te mau tane, e te mau vahine atoa, ia ora noa ma te hau mai te mea e hinaaro oia. E tae mai te hau na roto i te parau-tia e te haapacraa i te mau faaueraa a te Atua. Te faatere te ore e ite nei i te oaoa o ratou ia te patoi i te mau faaueraa e te aufau noa nei ratou i te utu'a no te mau hara ta ratou e rave noa nei. Ia tiamâ tatou i te hara ua tiamâ atoa ia tatou i te utu'a o te hara e na te reira huru e faaô mai i te hau na roto i te mafatu o te taata e i te horoa mai i te oaoa hope ore i te nunaa taata paatoa.

TE FAAROO NO TEIE TAU

E tuaatiraa teie.

Te Tahî Atu Huru o te Faaroo.

Te vai atoa ra te tahi huru o te faaroo, oia hoi, te tiaturaa o te taata nei i to'na ra taata tupu. Area râ e mea papau ore te oraraa nei; te purara haere nei te mau fetii, te tahi

haere nei tatou i to tatou mau hoa, te rave nei te mau feia faatere i te mana e te ere nei hoi ratou i te reira. Aita i navai te faufaa o te faaroo o te taata nei i to'na taata tupu.

Hoê noa iho punaraa faufaa o te faaroo—o te Atua ia. I te taime ana'e e patu ai tatou i to tatou faaroo i nia i te pāpā mure ore te horoa râ ia tatou i te niu papu no'na e e tia'i ia tatou ia ite papu o to'na maoraraa e to'na hoi etaetaraa: aita Oia e tau nei, aita To'na e otia i roto i te tau, e mana hope ore To'na e aita to'na e tapitapiraa e te faarueraa.

O te Atua ana'e te puna papu mau o te faaroo. O te horoaraa rahi mau te reira Ta'na i horoa mai na tatou.

I hea tatou e ite ai i te faaroo? E mea papu tei ia tatou taua horoaraa rahi i te taime tatou i fanauhia mai ai. Ma te tia ore ia paruru ia tatou iho, i to tatou aruaruraa, te haamata nei tatou, i to tatou oraraa, ma te tiaturi i te reira e i te hereo tei faaati ia tatou. I to tatou aruaruraa te noaa ra to tatou faaroo mai tehutiraa aho ra--o te tufaa ia o te aruaruraa.

Ia haere ana'e tatou mai te aruaruraa i te paariraa ra e tupu ia te fifi o te faaroo. E tupu te tahi huru ê ra. Te haere ra ia tatou mai te hoê oraraa tei paruru-maitai-hia i te hoê oraraa na tatou iho e faaoti i te mau mea atoa i roto ra, mai te faaroo i patuhia i nia ia vetahi ê i te faaroo ia tatou iho. O te Atua ihoa te tumu o te reira na faaroo e piti ra; area ra te mana'o nei te vetahi, i roto i teoteo o te mana tei itehia e ratou ra, tei ore â i tamatahia, e tia ia ratou ia haapae atu i te Atua.

No te Ite-faahou-raa i te Faaroo.

Nahea e ite-faahou-hia'i te faaroo i te Atua i te taata tei mana'o e ua mo'e te reira ia'na? I hea oia e imi ai i te reira?

Nahea oia e faaitoito ai ia'na no te horoaraa'tu i te tauturaraa ta'na i hinaaro?

I hea oia e imi ai i te faaroo ra, maori râ i te vahi tei reira oia, i roto i to'na iho mafatu? Te vai nei to'u i te eita te faaroo no te ra'i mai e mo'e roa i roto i te mafatu o te taata. E tia noa ia tatou ia tamata i te haavare ia tatou iho. E tia noa, ia tatou, ia tamata i te tupohe i te faaroo, i roto ia ta-toa iho, na roto i te parau haavare e te mau peu iino, te haapapupu ia'na na roto i te nounou e te faatarapape ia'na na roto i te teoteo. E ite faahou oia i to'na anaana i roto i te mau tau peapea. Te vai noa nei te ravea no te faaora faahou ia'na.

E tauturu mai te Atua ia ite faahou tatou i te faaroo mai te mea e ani atu tatou ia'na no te reira.

Ia noaa faahou mai to tatou faaroo, nahea tatou i te horoa faahou atu i te itoitia ia tia ia'na ia tauturu mai ia hinaaro tatou i te reira? E pahonora ohie roa to te reira uiraa, oia hoi, e haapapu e e faarahi tatou i to tatou faaroo na roto i te faaraveraa ia'na i te ohipa.

O te reira ia te faaroo, to'na mana e to'na punaraa. Ua hau roa'tu, i teie tau, te tia ia haroaroa maitai tatou i te faaroo e ia faahotu hoi ia'na.

E mea tia ia vai noa, i roto ia tatou, ua hau atu te mana o te faaroo i to te haaviraa — o te paruru tei hau roa'tu i te maitai i te mata'u. Ia navai ra to tatou faaroo i te Atua no te rave faaoti roa i te mau mea ta Paulo i parau i roto i te Ephesia 6:13-16, o tei riro ei faaara i te feia e faaroo to ratou ra.

A rave hoi outou i te haana tama'i atoa a te Atua ra ia tia ia outou ia patoi atu i te enemi i te mahana ino ra, e tia roa a'era ia, ia mau â. Ia mau, ma te tatuahia to outou tauupu i te parau mau, e ma te tapo'i ouma ra o te parau-tia i te ahuraa; e ma te faatamaahia to outou avae i te faaineiueraa o te evanelia ra o te hau; a rave hoi i te paruru ra o te faaroo, e

nia roa iho ia, o te mea ia e pohe ai te mau ihe auahi atoa a taua varua ino ra.

Te aui nei au, i roto i ta'u mau pure, i te haamaitairaa o te faaroo na roto i te i'oa o Iesu, no tatou atoa nei i teie nei mahana, amene.

Wallace F. Bennett.

TE MANA

TE mana o te tia ia ia faane ia haapao. Te tia ia rave i te ohipa na roto i te i'oa o te tahi ê atu. Eia rave tatou i te reira no te pae o te faaroo e ite ia tatou o te mana ia no te raveraa i te ohipa a te Atua i roto i te aratairaa e te faatereraa i ta'na ohipa. Eita roa te ohipa a te Atua e haere i mua, i nia i te fenua nei, mai te mea aita te mana mau i horoahia mai no te aratairaa i ta'na ohipa i nia i te fenua nei. Eita roa te Atua e rave i te hoê ohipa ma te mana ore. I roto i te Buka Fafau e ite tatou eaha ta te Atua i parau, ia Iosepha SEMITA, i roto i te pene 42:11. Ua na ô mai oia, *Te parau faahou atu nei au ia oe, eita roa e horoahia i te hoê noa a'e taata, te faatiaraa ia haere e poro-haere i ta'u nei evanellia, e a ore râ, ia patu i ta'u ekalesia, maori râ ia faatoroahia oia e te hoê tei ia'na te mana, e ua itehia, e to te ekalesia, tei ia'na mau te mana e ua faatoroahia oia e te mau upoo o te ekalesia.* Na roto i te reira te ite nei tatou e, te hinaaro nei te Atua ia haere afaro noa ta'na ohipa ma te mau aratai tei horoahia to ratou mana e tei ia ratou te reira e te tia hoi ia na reira..

Mai te haamataraa mai â o te taata te ite nei tatou ua maiti te Atua i ta'na mau aratai no te aratairaa i to'na mau taata e ua horoa mai oia i te mana no te aratairaa ia ratou, mai ia

NOA, ISAAKA, IAKŌBA e te mau Peropheta tahito ra. Area rā te hinaaro nei au ia faaite i te hoê faahuru ê raa i te reira, oia hoi, to IOSUA maitiraahia e MOSE. E itehia te reira parau i roto i te Numera 27:15-18, tei na ô mai: *Ua parau atura Mose ia Iehova, na ô atura, e tuu oe, e Iehova, e te Atua o te mau varua o te taata atoa ra, i te hoê taata i nia iho i teie nei amuiraa, ia haere oia i rapae e ia ho'i mai i roto i mua ia ratou, ei aratai hoi ia ratou i rapae, e ei faaho'i mai ia ratou i roto; ia ore hoi ia riro te amuiraa o Iehova ra mai te nana mamoe aore e tia i ra. Ua parau maira Iehova ia Mose, A rave ia Iosua a Nuna ra, e taata ia tei roto ia'na te varua, e tuu hoi oe i to rima i nia iho ia'na. Ua ravehia te reira na roto i te tuuraa rima mai te ravehia nei i roto i teie nei ekalesia. E ere te Atua i te Atua hirohirouri noa. Mai te tau mai â o ADAMU e tae roa mai i te MESIA ua maitihia te taata e te Atua e ua horoahia mai te mana no te raveraa i te ohipa na roto i to'na ra i'oa.*

I to IESU parahiraa i te ao nei e a hinaaro ai oia i te baptizoraa ua haere oia ia IOANE BAPTIZO tei mau i te mana no te raveraa i te reira oro'a. Parau maira IOANE e ere paha i te mea tia ia baptizo oia ia'na, area ua parau IESU ia na reirahia no te faatiaraa i te mau parau-tia atoa ra. Na roto i te reira te ite nei tatou e, ua faatura o IESU, tei rahi atu i te taatoaraa, i te mana tia mau ra. Te faaitehia ra, i roto i te Hebera 5:6, E tahu'a oia ia au i te parau ia Melehizedeka. No ô mai, i te Atua, to'na mana. I to IESU maitiraa i ta'na mau Aposetolo hoê ahuru e ma piti ra ua horoa Oia ia ratou te mana ia tiavaru ê atu i te mau demoni, ia faaora i tei pohēhia i te ma'i e ia poro-haere i te Evanelia. Ua maitihia o PRTERO, IAKOBO e o IOANE, e IESU, ei peretiteniraa i nia a'e i te ekalesia. Ua horoa Oia ia ratou te mau taviri no te basileia—oia hoi te mau mea atoa i tamauhia i raro nei e tamauhia ia i te ra'i, e te mau mea e tuuhia i raro nei e tuu-atoa-hia ia te

reira i te ra'i. E ite atoa tatou, i roto i te Buka a Moromona, na maiti o IESU i ta'na Ahuru ma-piti e ua horoa Oia, ia ratou, te mana ia faatere i ta'na ekalesia. Mai te au i ta IESU parau na'na iho e maiti i to'na mau tauturu. I roto i te Hebera 5:4 na IESU iho e maiti i to'na tauturu, eiaha ra e na ratou iho e maiti i te ohipa i hinaarohia e ratou ra. Ua parau atoa mai Oia e, e faautu'a-etaeta-hia te feia te rave noa i te reira mana i nia iho ia ratou. No reira e ohipa pe'ape'a ia rave hau atu tatou i te mana tei horoahia mai.

E mea nahea te horoaraa o te reira mana? Na roto i te mana o te Autahu'araa o te Atua. Taa Autahu'araa ra o te Faatereraa Hau o te Atua, o te mana ia tei faatere e tei paturu i te mau mea atoa. Na roto i taa Autahu'araa ra ua faaite mai te Atua ia'na iho, i te taata nei, mai te haamata-raa mai â o te mau tau.

I muri a'e i to IESU vaiihoraa mai i ta'na ekalesia e a mau atu oia i te ra'i ua vaiiho mai oia i te mau taviri o te basileia i roto i te rima o PETERO, o IAKOBO e o IOANE. Eaha'tura te hopea no te reira? Mai tei tohuhia i roto i te II Timoteo 4: 3-4 ua taa ê atu te ekalesia i te Atua ra e ua mo'e ia'na te mana no te Autahu'araa. Ua na ô mai taa na irava ra:

Te vai atura hoi te tau e ore ai raton e farii ai i te parau mau, no te a-moenoe ra o to raton tari'a, e haaputu ia raton i te orometua i au i to raton iho hinaaro; e farii ê hoi to raton tari'a i te parau mau, a opai tia'tu ai i te fabula.

E 600 matahiti i muri a'e i to te MESIA maueraa'tu i nia i te ra'i ua rave ê hia'tu te Autahu'araa no te ino o te taata nei. I roto i te mau vahi e rave rahi ua faahuru ê hia te ekalesia mau ei ekalesia haamori idolo mai teie i muri nei. 1.-Ua mana'ohia e ua ore te mau heheuraa e ua opanihia te ra'i. Nahea ia te Atua no te faatereraa i ta'na ekalesia mai te mea eita e tia ia parau mai, i te mau mahana atoa, no te aratairaa i ta'na ekalesia i roto i te parau-tia. 2.-Ua tauihia

te mau Aposetolo e temau Peropheta, tei haehaa mau, i te mau Pope, e te mau Caradinals tei ihia i te teoteo i to ratou maitiraahia. 3. Ua tauihia te baptizoraa, mai te utuhiraa, tei faaauhia i te poheraa e te tia-faahou-raa, i roto i te baptizoraa o te ai'u e te pipiraa tei ore roa i haapiihia e Iesu. 4. Ua tauihia te peu ohie no te hereraa i roto i te mafatu i roto i te mau peu e te mau haamoriraa o te ao nei. 5.-Te mau Pope tei mana'ohia tei ia ratou te Autahu'araa Mo'a, ua taparahi pohe roa, te tahi i te tahi, no te haruraa i te mana o te terono. Te vai ra anei te mana o te Atua i te reira huru taata? Aita roa, ua rave ê hia te reira no nia i te fenua nei.

Ua ite atura tatou ua rave-ê-hia, no nia i te fenua nei, te Evanelia e te Mana mau ra, no reira ua tia roa ia faaho'ifaahou-hia mai te Evanelia, i te taata nei, i roto i to'na ra'îraa no te mau mahana hopea nei. E tupu taua faaho'iraa na roto i te hoê ravea haehaa, mai ta te Mesia i rave a parahi oia i nia i te fenua nei, no reira ua maiti te Fatu ia Iosepha Semita, te hoê tamaiti faaapu tei ore i te mau haapiiraa o te taata nei. Ua haapii mai te Fatu ia'na, na roto i te mau ve'a no te ra'i mai, no na matahiti rii no ta'na ra ohipa e i te hopea ua horoahia ia'na te mau apĪ auro tei nia iho i te reira te papairaahia te parau tuatapapa o te mau I-nitia America e ta ratou mau raveraa e te Atua. I roto i te reira buka ua papaihia te Evanelia tei ore roa i faahuru-ê-hia e te rima taata. I te hoê mahana, a iriti ai raua e to'na hoa o Olive Taudere i te reira, tai'o atura raua i te hoê irava tei parau mai no nia i te baptizoraa. Haere oioi atura raua i roto i te hoê uru raau no te pure atu i te Atua no te aniraa'tu ia baptizohia raua, e ei pahonoraa i ta raua pure ua fâ mai o Ioane Baptizo ia raua, e i raro a'e i te faatereraa o Petero, Iakobo e o Ioane ua horoa mai oia ia raua i te Autahu'araa

te mau a Aaron a i muri a'e i to'na bapetizoraa ia raua. Te mau nei
 u mai te reira Antahu'araa i ie mau taviri no te raveraveraa mela-
 raa, tei hi, te taviri no te Tatarahaparaa e no te Bapetizoraa hoi. E i
 petizo muri a'e i te tau mahanahana o te matahiti 1829 ua fâ tino
 su. 4. mai o Petero, Iakobo e o Ioane ia raua e ua horoa mai i te
 i roto Antahu'araa teitei tei parauhia i te i'oa o Melehizedeka ra,
 au Po tei mau i te mana no te poro-haere-raa e te tatararaa i te eva-
 a tapa nelia, te mana no te raveraa i te mau oro'a mo'a e te mau
 na o te taviri teitei o te Evanelia. Ua rave rahi te mau taviri tei faa-
 ru taa ho'ihia mai e te mau Peropheta tahito tei mau i te reira; ua
 ei. faaho'i mai o Mose i te mau taviri no te haaputuputu-faahou-
 nei, te ra o Iseraela, o Eliaha ra ua faaho'i mai ia oia i te mau ta-
 aaho'i viri no te faafariuraa i te aau o te mau tamarii i to ratou mau
 o'na ra metua e te aau o te mau metua i ta ratou mau tamarii, oia
 ho'iraa hoi, te raveraa i te ohipa no to tatou mau tupuna tei pohe ra.

Ua maere mau te mau ohipa tei horoahia i taua tamaiti ite
 a para ore ra ia rave. Ua iriti oia i te hoê buka tei faatupu i te mae-
 a Iose re i roto i te mau taata e rave rahi te milioni, e ua rave rahi
 au haa tei riri ia'na no te reira e ua rave rahi atoa hoi tei here ia'na
 a roto no te reira. Ua faatae mai oia i te mau maramarama e rave
 ia ra o rahi i roto i te pae faaroo ra, ma te faaore atu i to'na mau
 tei nia vahi miterio e te faariroraa i te reira ei ohipa no te mau ma-
 mau I hana atoa ra. Ua faatia oia i te hoê Ekalesia tei rahi roa i
 oto i te teie nei, e no te titiroraa i ta'na ohipa, i nia i te fenua nei,
 u-ê-hia ua horoa oia i to'na oraraa. Ua tia anei ia'na ia rave i te
 'na hoa reira mau ohipa ma te mana ore no ô mai i te Atua? Aita,
 cava tei alta roa, e eita roa te ekalesia a te Atua e haere i mua, i teie
 ua i ro nei, mai te mea e ere to'na mau Peropheta i te Peropheta
 iraa'tu mau na te Atua tei mau i te Mana e te mau Taviri no te ba-
 fâ mai sileia o te Atua no te raveraa i te mau ohipa na roto i to'na
 Petero, ra i'oa e na roto hoi i to'na ra mana.

No reira a haapao maitai tatou i to tatou maitiraahia ia tia ia tatou ia rave i to tatou Mana no te tautururaa ia haere noa te ohipa a te Atua i mua i nia i te fenua nei. O ta'u ia pure na roto i te i'oa o Iesu Mesia ra, amene.

Neil Viriamu Lovell.

He Reo Haaara.

Eita e maoro e faa anohia te fenua nei e te tama'i, te mau ma'i e te mau ino ta te Fatu i fafau mai, ia ore ratou ia tatarahapa; area râ, mai te au i ta'na faaiteraa mai, eita ratou e tatarahapa e e tae mai ihoa te ino.

(O te a'oraa te reira a te Peretiteni ra o Tihoti Alabera Semita i te Amuiraa Eperera 1937.)

Te mata'u nei au te tae mai ra te tau . . . maori râ ua tia ia tatou ia poro atu, i te mau taata atoa o te ao nei, ia tatarahapa ratou i ta ratou mau hara e ia faarue ratou i to ratou haereraa tia ore ra, ia ore te tama'i rahi; oti a'enei ia riro ei taïpe noa iho no te mau ino e haere mai nei i mua i to tatou aro.

(O te parau ia a te Peretiteni ra o Tihoti Alabera Semita i te Amuiraa Atopa 1946.)

Teie ta tatou ohipa, e te mau taeae e te mau tuahine, i roto i te ao nei, o te farereiraa ia i te mau tamarii atoa a to tatou Metua i te ao ra, i te fenua nei, e i rapae atoa hoi, e ia na reira tatou e parahi ia te Varua o te Fatu i roto i to tatou mau aau, e e oaoa tatou i reira e e riro atoa hoi to tatou mau utuafare ei vahi parahiraa no to'na ra Varua Mo'a.

Ia ite tatou i te tapitapi rahi te vai nei i te ao nei, i teie nei, ia ite atoa tatou e, te faaineine nei te mau basileia puai, e tei paruparu atoa hoi, no te tama'i, ua papu atura ia tatou e, o te tiaï noaraa ia no te tau haamataraa tama'i maori râ ia tatarahapa ratou i ta ratou mau hara e ia fariu mai ratou i te Atua ra, eiaha ra o te tama'i ana'e te tae mai, te mau ma'i pee atoa ra e te tahi atu mau ino e tae noa'tu i te mouraa o te nunaa taata no nia i te fenua nei.

(O te parau a'o ia te reira a te Peretiteni ra a Tihoti Alabera Semita i te Amuiraa Eperera 1950.)

Marcel BONNET Gérant et Imprimeur, Papeete, Tahiti.